

增訂洪氏小兒下卷一盤珠

金川邑庠生洪金鼎玉友氏纂男濂

路泰訂

痘科撮要

秉母氣

以十。養其胎非火無。以成自出胎。

小兒在胎時秉母五臟

血機生後其毒當出故痘疹所發

皆五臟之液肝水泡其色青小肺濃泡色白而大心為斑

其色赤小脾為疹其色赤黃惟腎無候但耳涼尻冷是也

發熱三日而後見標出齊三日而後起脹蒸長三日而後

灌濃漿滿三日而後收靨

發熱三日當托裏解毒使其易出切不可輕用黃芪恐腠

裡一密則痘難出也

四五六日宜清熱解毒消熱則無血熱枯燥之患解毒則

無壅滯黑陷之虞。

七八日灌濃之時。宜滿補氣血。氣血流行。而成漿。目易也。十日至十一二日。收靨之時。宜調和氣血。補脾利水。自然結靨矣。

痘科十要論

發熱論

痘疹將出。必先發熱。然其熱有風痰食滯驚風。變蒸之異。時氣傳染。俱能出痘。疑似之間。即當審其所觴。察其耳冷

亢冷。足冷。中指稍冷。耳後見紅絲。呵欠噴嚏。乃爲真候。

一驟發壯熱。如火薰炙。頭面俱赤。狂躁不定。一熱便見紅

點。此必稠密毒盛。急投柴胡飲。甚則涼隔散下之。方載麻疹門。

一發熱肢體骨節俱痛六淫之邪也宜服柴胡飲加大黃
一發熱遍身作癢此表虛客胃風寒毒不能出宜桂枝湯
加防風白芷更退桂枝白芍甘艸

一發熱惡寒身振動搖此氣虛血弱不能逼邪快出邪正
交爭用升麻湯加穿山甲桂枝防風體虛極者畧加人參

一發熱腹痛不可忍煩燥口渴此毒勢壅遏急以生蜜糖
調玄明粉三錢不止再服甚則涼隔散下之大便一利
其痛即止痘亦隨出勿洗首尾不可下也

一體虛弱腹痛小建中湯加升麻一桂枝白芍黃芪甘艸
一發熱腰脇痛者此毒在肝腎最爲惡候急以石羔六七
錢人參五分芽茶一錢煎湯八玄明粉三錢加生白蜜

煎熱服。或可十全一二。

一唇 上下紫黑。燥裂疼痛者。此毒攻脾臟難治。急投犀角消毒飲。加石膏。玄參。以救之。

一發熱或吐。或瀉。此毒邪奔越。精神不減者。毒氣上下分泄也。最爲吉兆。切不可妄投藥味。

一見點後。猶吐瀉不止。宜用四苓散。白朮。白芍。澤瀉。米苓。加枳實。橘紅。虛者。宜用異功散。加藿香。木香。

一發熱如驚。爲熱乘心包。亦是吉兆。導赤散。加生龍紫艸。體實便閉。瀉清丸。微下之。如見點後。驚搐不止者。危也。

方載麻疹門

一發咬牙。竄視。此心經熱盛也。導赤散。加黃蓮。赤芍藥。一咬牙。手足搐搦。爲肝經風熱。羌活湯。加青皮。柴胡。

一發熱聲音遂變者宜清肺氣消毒散加連翹枳椇。

一發熱兩目紅腫風熱上攻也宜導赤散加荊芥防風兪

一發熱五六日腹脹喘急便閉狂煩痘不見點而熱甚於

背者風寒留滯於經羗活湯不應加麻黃。

一熱甚於腹者實熱亢甚於裏用大承氣湯下之大黃芒硝黃芩厚朴甘艸

一譫語循衣毒氣內攻導赤散加連翹犀角使小便流利

神爽痘發爲吉。

一發熱大便三五日不通而譫語者紫艸承氣湯下之

一發熱三四日痘隱了不透壯熱譫語喘脹便閉者先以

升麻湯加麻黃汗之次以大柴胡湯利之

一發熱小便黃赤短少熱毒不透滲入膀胱也宜導赤散

加荆芥連翹牛子

方脈經

一發熱鼻血不止宜犀角地黃湯去丹皮加木通荆芥

一發熱遍身皆熱手足獨冷此脾胃虛弱急宜補中益氣

湯服後仍厥冷者難治

黃芪八參白朮升麻
柴胡陳皮甘草當歸

一發熱時以火照之皮肉間有鮮紅成片者凶也遍身如

蚊迹者不治

一發熱譫語手足搐搦尋視腰背

有一二點如蚊迹者悶痘也不消

一發熱時腰痛如折不能坐立者折腰痘也四五日當口

鼻出血而死

一痘出三四日熱猶不退尚欲添痘也出盡則熱自止

一五六日後痘出盡復熱者必有餘毒未盡當輕劑以解

其毒不可驟遏

至八九日

復發熱者

名曰煎漿將欲收靨結

一痘發熱不可誤認外感過投發散之藥以致陽虛不惟

不能長發且有癢塌之患

一發熱不可誤認內傷過投消導以致陰虛不惟不能灌漿倒靨之禍立至矣

已上發熱諸症各分條例用藥活人多矣醫者因病尋方總無差誤窮暇僻壤倉卒難求醫士開卷了然亦可依方取效。古痘疹之論苦其大繁荒忙無措之時無從下手。予今摘要定方。瞭如指掌。不過撝拾先哲之餘以開嬰兒活法之門。神而明之。則又存乎其入矣。餘皆倣此

見點論

痘家以看法爲要。初見點時。用紙撚蘸清油點照。遍觀其色。須以火在內。向外乎照。則隱於肌肉間者。悉皆顯見。以手揩摩。面頰如紅色。隨手轉白。白隨轉紅。謂之血活。生意在矣。如揩之。不白。舉之不紅。是爲血枯。難治。

一初見淡紅。三四日方齊。磊落如珠。大小不等。顆顆如粟。米。摸之礙手。明亮光澤。根窠紅活。大小便如常者。書也。一發熱便出。痘多稠密。當詳視其根窠。分與不分。顏色紅潤。不紅潤。若其中有先起虛大。色黃如金者。名賊痘。大而黑者。爲痘疔。若報點青黑色。箸頭一大塊不起凸者。名冷疔也。或一盤三四頂。中有一黑點者。亦名痘疔也。已上數症。當以銀針挑破口。含清水。吸出穢血。用紫艸茸

油。臘脂加血餘灰珍珠末填入瘡肉恐難卒辨用多年
蓋牆敗艸燒灰代之城廓之中敗艸恐錢紙燒灰代之
又方用黃豆水浸搥爛敷之以拔去痘疔之毒候撚香一
炷毒重者再易敷之

一挑破後痛不止者隔蒜灸之若無根窠紫黑痘疔多小
弱者必不治

一頭面一片光潤如臘脂塗抹隱隱於皮肉中者是血滯
不流氣凝不運爲痰阻滯用犀角地黃湯去丹皮加木
通紫艸重兌連喬

一兩顴紅暈不分顆粒者用羚羊解毒湯以分之
一見點身不熱只乾焦者熱也用道赤散

一色淡皮寬此元氣至

參芪內托散

一見點高起色紅但乾燥口渴此火盛血少

用四物湯加利發連香

一見點色雖光潤擦之即破此元氣不足宜用參芪內托

散或用保元湯以培元氣令漿易起

參黃芪甘
州保元是也

一見點色如麥麩壳無水氣者此氣血俱虛用十全大補

湯加燒人尿治之服後不變紅潤者不治

一遍身細加芥子者夾疹也皮肉鮮紅成片者夾斑也皆

毒火大盛故一齊湧出並宜化斑湯發之

一痘初出肢體作癢爬搔不寧者此風寒滯於皮膚用

毒飲子加穿山甲

又方用陳牛糞為末綿子油調敷之又方用楓穉子燒烟薰之

又方用絲瓜壳燒烟薰之。一爬破出血。用錢紙灰敷之。

一痘出將半。遍身作痛者。此熱毒鬱滯。用荊防敗毒飲。

一痘出。忽然足痛不能屈伸。急用雄雞一隻連毛將利刀

劈開背上。用麻油雄黃少許入雞腹中。連腸肝在內。乘

熱敷臍。北定一炷香。取下即安。真神方也。雞不可令食。

一痘未出齊。痢下赤白。此血熱毒盛。兼有積滯。用黃芩湯

去朶。加山查黃栢防風。

下血過多。隨牧其痘。雖口渴飲水亦虛也。非與痢同治。

急用參芪內托散。

一痘出。手足搖動者。出血氣不能約束。其毒熱極生風。宜

荊防解毒飲加全蝎。

一痘未出齊而頭面浮腫風熱上攻也宜解毒飲子

一痘出兩目亦腫大小便閉此血熱毒盛上攻於目宜犀

角地黄湯去丹皮加連翹元參牛子荆芥

一未見點時身熱和緩見點後身反大熱不休煩燥昏沉

或吐瀉者逆症也

一痘見點後身熱四肢冷者脾胃衰弱倦卧不伸者腎氣

本虧也俱不可治

一初出便見水泡二三日起白漿不久即乾火毒盛不治

一痘出如冷粥結面大者平塌小者稠密皮薄而軟邪視

若無皮眼胞面唇先腫則五七日出血而死

一痘出皮膚如粟起

如疹如麻或隱或見

此不待長發常啼叫而死

一痘出正面胸背手足腫硬或成塊紫青或紫如瘤狀非
痘疔也當黑陷破爛而危

一痘出紅紫黑斑如蚊迹洒朱點黑潑青與皮膚一平頭
面一片如燕脂者三五朝即危矣

部位論

九痘見點之時先察部位即可知吉凶輕重矣痘爲陽故
隨陽而先見於面凡口鼻兩傍人中上下兩腮耳根年
壽間先見者多吉先見於天庭印堂太陽等處俱非吉
兆痘稀少者不拘此論

一痘出不先見於上而反於下部見者元氣不足難起漿
一部位所主額主心面主胃腹與四肢主脾脇主肝兩

腋主肺腰足主腎肩背主膀胱

一面色黃大便秘煩燥喘渴瘀血在內也用犀角地黄湯

一頭額多者爲榮頭痘頸項多者爲鎖頸痘胸前多者爲

脯胃痘兩頰兩頤多而成片或如塗硃則肝盛冠脾爲

一各處不起惟面部及臂上有漿起綻者可治

一有面痘好惟鼻上無痘或有痘不起漿者不治

一四肢多痘身面無痘者難治

一身有痘漿足惟面上不行漿者死

一身痘色紅活惟面部焦枯者死

一遍身痘好惟兩足膝下全無者凶

一面部漿足肢體尚不行漿神清能食者可治

一面上左有右無右有左無此氣血乖離必難起將
一面半已下稠密灰白面半已上勻明紅潤補中益氣湯
一面半已上稠密灰滯面半已下勻明光潤名雲掩天瘡不治
一左半身稠密紅潤右半身間有數點者此毒發於陽爲
順用補中益氣湯

一右半身稠密灰滯平塌左半身間有數點者此毒發於
陰爲逆漿難行不能收斂九日死

一痘出齊而各處俱勻明紅潤而腰圍稠密灰滯作痛者
名纏腰此毒滯於陰不能成漿九日死遲則不過十日

一痘出齊而遍身稠密頭面全無者此陰毒不能升難治

一冬天嚴寒痘瘡難出用元菱酒熱洗多次內服溫解透

肌之藥加木瓜、苡仁以引之。延至五六日治無及矣。
一眉心、手心、足心、胸前、心腕各處出痘多煩燥啼叫宜用
銀珠圈處二三次必不起脹或用燈火燂之。
一夏天暑氣炎炎房中不宜多用火爐恐痘爲熱氣所閉
不得出宜用井水一大盆置床下房中板壁用涼水潤
之。一二時痘必出矣。

已上各症除不治外俱要疏通營衛使脾生津使無乾枯
焦黑之患紫艸消毒之味俱不可少。

一小兒玉莖出痘女子陰戶出痘俱非吉兆急用銀珠圈
處白不爲患。

形色論